



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Morinensi Episcopo, & Morinesi & sancti Audomari Morinensis diocesis
Decanis.

urn:nbn:de:hbz:466:1-20020

in quibus sua possint peccata deflere. Quocirca universitati vestrae per apostolica scripta præcipiendo mandamus quatenus quod à nobis est provida deliberatione provisum, vos prompta devotione servetis, & praefato Abbatii vestro in loco quem elegit ad exhibendum dignum Domino famulatum obedientiam & reverentiam impendatis tam debitam quam devoram. Datum Laterani xii. Kal. Martij, pontificatus nostri anno tertio decimo.

ABBATI DE RIEVALLIS
Cisterciensis ordinis Eboracenfis diocesis, &
Decano & Thesaurario Eboracenfibus.

Cum dilecti filij Prior & Canonici Gisburnenfes, qui, sicut ex multorum testimonio litterarum accepimus, omni petenti se tribuunt, & bona sua hospitalitatis usibus applicant incessanter, ita quod nullus recedit vacuus ab eisdem, ut hospitalitatis uberior exequantur officium, nobis humiliter supplicant ut Ecclesiam de Hesel, quam de mandato nostro bona memorie magistro Britio Subdiacono & Notario nostro liberaliter contulerunt, deputare hospitalitatis usibus dignaremur, nos eorum precibus inclinati, discretioni vestrae per apostolica scripta mandamus quatenus cum per vicinitatem loci veritatem possitis super hoc plenius indagare, dictam Ecclesiam, si sine scandalo fieri poterit, auctoritate nostra hospitalitatis usibus, sublato appellationis obstaculo, applicetis, ministro ejusdem congrua sustentatione de ipsis proventibus reservata. Contradictores autem, si qui fuerint, per censorum ecclesiasticam appellationem postposita compescatis. Quod si non omnes iis exequendis potueritis interesse, duo vestrum ea nihilominus exequantur. Datum Laterani Idibus Decembris, anno tertio decimo.

MORINENSI EPISCOPO,
& Morinensi & sancti Audomari
Morinensis diocesis Decanis.

Ex parte dilecti filij Abbatis & conventus sancti Bertini fuit nobis humiliter supplicatum ut cum quedam parochiales Ecclesiae ipsis fuerint in elemosynam assignatae ut in usus suos & pauperum proventus cederent earundem, & ipsa ante paucos annos ita pauperes fuerint quod ipsorum monasterium in eisdem servientibus necessaria ministrarit, & nunc, divina disponte clementia, frequantione ac multiplicatione hominum valde

Tom. II.

sint in temporalibus augmentatae, ipsos faceremus divitiarum esse participes qui fuerunt socij paupertatis. Cum igitur satis congruat ratione ut sint emolumenti participes qui oneris fuere consortes, discretioni vestrae per apostolica scripta mandamus quatenus earundem Ecclesiarum facultatibus diligenter inspectis, secundum eas ipsarum servitoribus assignetis ad sustentationem eorum honestam & congruam sublato appellationis obstaculo portionem, ut reliquum ad usum prædictorum fratrum cedat & pauperum juxta desiderium & voluntatem illorum qui eiis praefatas Ecclesiastas contulerunt, contradictores per censorum ecclesiasticam appellatione postposita compescantur. Quod si non omnes &c. tu, frater Episcope, cum eorum altero ea nihilominus exequaris. Datum Laterani xii. Kal. Martij, pontificatus nostri anno tertio decimo.

APPENDIX

LIBRI TERTII DECIMI.

ARCHIEPISCOPO RAVENNATENSIS
& suffraganeis eius.

Deo & vobis de Imperatore conquerimur, qui beneficiorum nostrorum ingratus, & promissionum suarum oblitus, retribuit nobis mala pro bonis, odium pro dilectione, offendit pro gratia, injuriam pro honore, tamquam filius indevotus, a persecutione pia matris incepit, quæ ipsum contra communem penè omnium voluntatem toto conamine studuit ad imperium sublimare, sicut vobis & aliis est plenissimum manifestum; multis insultantibus nobis quod merito ea patimur, cum nos fecerimus gladium de quo graviter vulneramur. Sed insultatoribus nostris respondeat pro nobis altissimus, qui puritatem animi nostri plenè cognoscit, nec sine causa legitur de se ipso dixisse: *Punitet me facte hominem.* Illudque debet ab omnibus iniquum & impium reputari quod ad occupandum regnum Siciliae manus extendit, quod à nobis carissimus in Christo filius noster Rex Fridericus illustris, orphanus & pupillus, obtineret ex successione materna; tamquam sibi nequaquam sufficiat quod ejus patrimonium injustè detinet occupatum. Quis ergo de cetero sibi credit, aut quis de ipso confidat, quandoquidem nobis fidem non servat, qui, licet indigni, locum Christi tenemus in terris,

Epis. 110.
Adversus Ot-
tonem Imper.
Vide supra epis.
177. 193.

Sff